



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri Baptistae Bvrgi De Dominio Ser[enissi]mae
Genvensis Reip. In Mari Ligvstico Libri. II.**

Borgo, Pietro Battista

Romae, 1641

Serenissimo Dvci Excellentissimis Gvbernatoribvs Et Illvstrissimis
Procvratoribvs Serenissimæ Reipvblicæ Genvensis Petrus Baptista Bvrgvs
F.

urn:nbn:de:hbz:466:1-13096

SERENISSIMO
DVCI

EXCELLENTISSIMIS
GVBERNATORIBVS
ET ILLVSTRISSIMIS
PROCVRATORIBVS
SERENISSIMÆ
REIPUBLICÆ GENVENSIS

Petrus Baptista BVRGVVS F.



GENVENSIS Imperij
fines, qui ad Tanaim vsque,
& in Scythiam propaga-
runt Maiores Nostri, quam-
uis terrestres expeditiones
non negligerent, ad marii-
mas tamen diligentius incubuere; Cum ete-
nim, SERENISSIME DVX, EXCELLEN-
TISSIMI, ILLVSTRISSIMIQVE PATRES,
ad mare positam viderent Liguriam, expertiq;
essent incolarum virtutē, ac fortitudinem, qui-
bus vel procul remotos populos facere possent ve-
tigales, eiusmodi expeditiones utilissimas Rei-
publicæ futuras sunt opinati. Neque pruden-

tes, sapientesque viros ea fefellit opinio; susceptis
namque navigationibus, & in Barbaros bellis,
ad eam amplitudinem prouecta est Respublica,
ut late terra, mariq; dominaretur. Quare hoc
ipsum animo repetentes ij, qui Remp. admini-
strabant ante triennium, Augustino Pallauici-
no Duce, V. C. nobilissimoque, ac de Patria
optime merito, intermissum per diu, sepositumque
rei nauticae studium, quasi postliminio reuo-
carunt, & utilissimis decretis (ipso Duce sa-
luberrimi consilij acerrimo suasore) ad naua-
lem amplectendam disciplinam, Patriumq; ma-
ris Imperium propugnandum, Ciues inuitarunt.
Tum Raphael a Turre, vir nobilitate generis,
& animi dotibus aequae insignis, ut publica con-
silia, styli facundia promoueret, maritimum
Serenissimae Genuensis Reipublicae Dominium
scripto defendit, datis ad Vincentium Mar-
chionem Iustinianum literis, quibus, quantum
epistolae ferebat argumentum, non minus ele-
ganter, quam docte, mare Ligusticum in eius-
dem Reip. esse ditione confirmauit. Verunta-
men cum huiuscemodi Dominium nostro hoc
seculo vocetur in controuersiam, & quod ad
Genuensium maritimum Imperium spectat,
narratio desiderari videretur uberior, operae-
pretium me facturum existimaui, si totam
cau-

causam tractarem, omnemque rem ante oculos
dilucide, perspicueq; proponerem. Cumque ad
id præstandum, nonnullis documentis opus esse
censerem, quæ in Tabulario Serenissimæ Reip.
asseruantur; ab eodem Augustino Pallauicino,
tum Duce Serenissimo, per literas flagitavi, ut
ea mihi iuberet describi, quo id perficere possem,
quod conabar. Favit meis votis Vir Reipub.
amantissimus, qui ut primum ad illam acces-
sit, de ea amplificanda semper fuit summe
solicitus, nihilq; unquam prætermisit, quod ad
ipsius incrementum, gloriamq; conduceret; Ideoq;
documenta quæ petieram cuncta, diligenter, fi-
deliterque transcripta, summa cum liberalitate,
largitus Dux optimus, me ad susceptum mu-
nus exequendum benigne hortatus est. Perfeci
igitur quoquo modo id, quod institueram, &
Serenissimæ Genuensis Reip. in mari Ligustico
Imperium demonstravi, propositis veterum
Ligurum egregijs, gloriosisq; facinoribus, quo
non solum id agerem, quod contendebam, sed
Ciues etiam meos, ad Maiorum alacrius perse-
quenda vestigia excitarem. Ac utcumque mihi
propositum cesserit, consilium sane meum equi-
boniq; faciendum est, qui Patriæ, pro viribus,
prodesse studuerim. Et fortasse meum hunc co-
natum æmulantes alij, tractabunt hoc ipsum ar-

gu-

gumentum diligētius, elegantiusque: ut enim in
Musicijs concentibus, a discordi fidium, neruo-
rumq; pulsu, suavisima incipit harmonia, sic
in negotijs gerendis, ab exiguis initijs, gravissi-
ma, nobilissimaque consultationes exordiuntur.
Vobis interim, SERENISSIME DVX, EX-
CELLENTISSIMI, ILLUSTRISSIMI QVE
PATRES, hoc quaecunque opusculum humi-
liter offero, dedicoque, ideo hoc ausus, quod
sperem gratum illud vobis futurum, & ac-
ceptum, cum pro pietate Vēstra in Rempub.
(quam incomparabili cum prudentia, ac fe-
licitate capestis) cuncta, quae ipsius dignitati
conferre possunt, benigno, hilarique vultu ex-
cipiatis, atque amplectamini. Quod si meo huic
munusculo contingat, scopum plane attingi, qui
nihil aliud mihi proposuerim, quam ut Vobis,
de Rep. optime meritis, & merentibus, gratifi-
cans, mei ad Patriae splendorem propensi ani-
mi ederem monumentum. Valete, ut ex animo
auguror, & Remp. administrate feliciter.
Romae Kal. Junij CIOCCXLI.

IN-